



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESITSATFU (P3)**

**LWETI 2022**

**TICONDZISO TEKUMAKA**

**EMAMAKI: 100**

**Leticondziso tekumaka tinemakhasi la-11.**

**SIGABA A: INDZABA****UMBUTO 1: KUBHALWA KWENDZABA (340–390 emagama) (50 emamaki)**

**CAPHELA:** Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ayinikwe sihloko. Kwemukelekile kutsi umhlolwa abhale sihloko nobe inombolo yembuto lawukhetsile.

1.1 *Angeke ngiphindze ngilubeke lunyawo lwami lapho!*

**LOKUBALULEKILE:**

- Umhlolwa kulindzeleke kutsi indzaba ayibhale ngesikhatsi lesihambisana naloko lokwentekile.
- Umhlolwa kulindzeleke kutsi abhale ngesehlakalo nobe tintfo letamehlela wagcina atsetse sincumo sekungaphindzi abuyele lapho.
- Indzaba kungenteka ilandzise/ivete limuva lembhali/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

**[50]**

1.2 *Maye Litiko Letemphilo liyasebenta bo!*

**LOKUBALULEKILE:**

- Umhlolwa kulindzeleke kutsi abhale ngemsebenti lobabatekako lowentiwa Litiko Letemphilo.
- Indzaba kungenteka ichaze/ilandzise/ **ibe hlangotsilunye/ibe nhlangotsimbili.**
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

**[50]**

1.3 *Sesikhatsi sekutsi ngichubekele embili ngemphilo yami.*

**LOKUBALULEKILE:**

- Umhlolwa kulindzeleke kutsi abhale ngetintfo lebetimbambelela wagcina atsetse sincumo sekutsi akhohlwe ngato bese uchubekela embili ngemphilo **yakhe.**
- Indzaba kungenteka ivete limuva lembhali/ ilandzise/ ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

**[50]**

1.4 *Bangani ngibo labadlala indzima lenkhulu emphilweni yemuntfu kwedlula umndeni.*

**LOKUBALULEKILE:**

- Umhlolwa kulindzeleke kutsi abhale ngendzima ledlalwa bangani kwedlula umndeni emphilweni yemuntfu lengaba yinhle nobe yimbi.
- Indzaba kungenteka ilandzise/ibe hlangotsilunye/nhlangotsimbili/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.5 *Kufundza nekungafundzi kuletinsuku ...*

**LOKUBALULEKILE:**

- Umhlolwa kulindzeleke kutsi abhale ngemaphuzu lasekela nobe aphikise sihloko lesitsi kufundza nekungafundzi kuletinsuku. **Sib. Umhlolwa angangeta ngekutsi sekuyefana/akufani.**
- Indzaba kungenteka ibe hlangotsilunye/nhlangotsimbili/ichaze/ilandzise.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.6– 1.8 Tonkhe tindzaba letiphatselene netitfombe tingatsatsa nobe nguluphi luhlobo lwenzaba: indzaba lelandzisako, lechazako, lehlangotsilunye, lenhlangotsimbili naleveta limuva lembhali.

**LOKUBALULEKILE:**

- Umhlolwa kulindzeleke kutsi avete emaphuzu lavakalako lahambelana nesitfombe, angagudluki kuso.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

**CAPHELA:** Kwabiwa kwemamaki: (Bona irubhriki)

**SAMBA SESIGABA A: 50**

**SIGABA B: EMATHEKSTHI EMIBHALOMBIKO****UMBUTO 2: IMIBHALOMBIKO (100–120 emagama itheksthi ngayinye)  
(50 emamaki)****2.1 INCWADZI YEBUHLOBO****SAKHIWO:****Incwadzi ayifake loku lokulandzelako:**

- Singeniso, umtimba nesiphetho.
- Likheli linye leliphelile lelingakafakwa timphawu tekubhala nekufundza lelisesandleni sekudla.
- Likheli liba nelusuku, inyanga ibhalwe ngeSiswati (Sib. 12 Lweti 2022)
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako. Sib. Gogo/ **LaKhumalo**)
- Kweciwa umugca ngembikwesingeniso.
- Singeniso lesetfula loko lekutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako. Sib. Ngimi umtukulu wakho)
- Sibongo asifakwa.

**LOKUBALULEKILE:**

- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.
- Incwadzi ayivete umhlolwa avelana nagogo wakhe lowephuke lunyawo ngalesikhatsi angenele umncintiswano webasubatsi lesebakhulile.

**CAPHELA:** Kwabiwa kwemamaki: (Bona irubhriki)**[25]****2.2 I-ATHIKILI YELIPHEPHABHUKU****SAKHIWO:****I-athikili ayifake loku lokulandzelako:**

- Singeniso, umtimba nesiphetho.
- Sihloko se-athikili (Tindlela tekusebentisa kahle imali.)
- Lusuku lebhalwe ngalo.
- Ligama lembhali wayo.

- Ligama leliphaphabhuku leya kulo.
- Lokucuketfwe. (Kufundzisa bantfu ngetindlela tekusebentisa kahle imali.)
- Kubhalwa ngetindzima nobe ngemaphuzu/ngemakholomu.
- Kusetjentiswa emafonti lahlukahlukene.
- Tincomo.

**LOKUBALULEKILE:**

- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama

**CAPHELA:** Kwabiwa kwemamaki: (Bona irubhriki)**[25]**

2.3

**UMLANDVOMUFI****SAKHIWO:****Umlandvomufi awufake loku lokulandzelako:**

- Singeniso, umtimba nesiphetho.
- Uhleleke ngekulandzelana kwemphilo yakhe.
- Sihloko, siba nemagama emufi laphellele nesibongo sakhe, Sib. Umlandvomufi wa ...
- Lusuku latelwe ngalo nendzawo latalelwe kuyo (Hhayi sibhedlela).
- Batali bakhe, labaphilako nobe lesebashona.
- Imfundvo yemabanga laphasi nalasetulu.
- Imfundvo lephakeme.
- Temisebenti.
- Ligalelo lalifake emmangweni (Nangabe likhona).
- Kugula kwakhe nekushona kwakhe. (Lusuku lashone ngalo.)
- Labashiye emhlabeni.
- Kumvalelisa. (Sib. Lala ngekuthula/Tinanatelo temufi njll.)

**LOKUBALULEKILE:**

- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama
- Umlandvomufi awukhulume ngekushona kwadokotela lodvumile losihlobo semhlolwa.

**CAPHELA:** Kwabiwa kwemamaki: (Bona irubhriki)**[25]**

**2.4 INKHULUMO LEHLELEKILE****SAKHIWO:****Inkhulumo ayifake loku lokulandzelako:**

- Sihloko lesiveta kutsi lenkhulumo iphatselele nani.
- Singeniso lesetfula loko lokutawukhulunywa ngako.
- Tindzima tenkhulumo letinemaphuzu labumbene.
- Siphetho senkhulumo lapho kusongwa khona onkhe emaphuzu labetfulwa enkhulumeni.
- Kubonga umphatsiluhlelo netetsamelilwati.

**LOKUBALULEKILE:**

- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama

**CAPHELA: Kwabiwa kwemamaki: (Bona irubhriki)****[25]****2.5 UMBIKO LOHLELEKILE****LOKUCUKETFE:**

Umbiko awuvete tizatfu letibangela kwenyuka kwelizinga lekwebelana tintfo eklasini lemhlolwa.

**SAKHIWO:**

- Unesingeniso, umtimba nesiphetho.
- Kubhala emaciniso hhayi imibono yemhlolwa.
- Kuba nesihloko lesihambelana nalokubikwako. (Sib. Umbiko uphatselele netizatfu letibangela kwenyuka kwelizinga lekwebelana eklasini lemhlolwa lesekubanga tinkinga esikolweni.)
- Akuvele indlela yekutfo lwati.
- Kubhala ngendlela yemaphuzu.
- Kubhala umbiko ngendlela yemlandzi longumuntfu wesitsatfu.
- Lusuku lobhalwe ngalo.
- Ubhalwe ngubani? (Umhlolwa)
- Uya kubani? (Kuthishela wemhlolwa.)
- Lokucuketfe: (Tizatfu tekwenyuka kwelizinga lekwebelana kwebafundzi eklasini lemhlolwa.)
- Tincomo.

**LOKUBALULEKILE:**

- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama

**CAPHELA: Kwabiwa kwemamaki: (Bona irubhriki)****[25]**

**2.6 INCWADZI YEMTSETFO****LOKUCUKETFWE:**

**Incwadzisicelo** yimfisha, imininingwane yemhlolwa icuketfwe ngumlandvomphilo. Ayivete ligama lalapho umhlolwa atfole khona lesikhangisi nelusuku lesishicilelwe ngalo. Ayivete umsebenti umhlolwa lafuna kuwenta nenombolo yalomsebenti.

**SAKHIWO:**

- Inesingeniso, umtimba nesiphetho.
- Emakheli aba mabili langakafakwa timphawu tekufundza nekubhala. (Lalohlolwako liba sesandleni sekudla, lalobhalelwako liba sesandleni sesancele.)
- Likheli lesibili lifakwa sikhundla salobhalelwako. (Sib. Mphatsiliposi)
- Kweciwa umugca ngembikwesibingelelo.
- Sibingelelo lesihlelekile (Sib. Mnumzane/Nkhosatana).
- Kweciwa umugca ngembikwesihloko sencwadzi.
- Sihloko salokutawukhulunywa ngako (Sicelo semsebenti wekushaya umshini wemali **Ref.C/19/2022**).
- Kweciwa umugca ngembikwesingeniso sencwadzi.
- Singeniso lesetfula loko lokutawucocwa ngako. (Sib. Kucelwa kwemsebenti wekushaya umshini wemali, njll.)
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sib. Ngimi lotifobako)
- **Ligama nesibongo akube njengobe kunjalo kulomlandvomphilo.**

**UMLANDVOMPHILO****SAKHIWO:**

Umhlolwa uphindze abhale umlandvomphilo lanikwe wona bese ucedzelela ngemininingwane lesilele lekuletigatjana:

- B-Temfundvo.
- C-Temsebenti.
- E-Bofakazi.
- Incwadzisicelo nemlandvomphilo akube nemagama la-100 kuya kula-120.

**LOKUBALULEKILE**

- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

**CAPHELA:** Kwabiwa kwemamaki: (Bona irubhriki.)

**[25]**

**SAMBA SESIGABA B: 50**  
**SAMBA SAKO KONKHE: 100**

**CAPHELA:**

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniwe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusilele naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniwe ngekwelizinga lelisetulu ngalokubabatekako nelizinga lelisetulu ngalokungababateki, ngekweluhluka kwemamaki netinchazelo temakhono.
- Sakhiwo sona asitsintseki ngalokwehlukaniwa kwelizinga lelisetulu ngalokubabatekako nelizinga lelisetulu ngalokungababateki.

**IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]**

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
<b>LOKUCUKETFWE NEKUHLOLA</b>  (Imphendvulo nemibono) Kuhleleka kwemibono nakulungiselelwa kubhala Kucikelelwa kwenhloso, tetsamelilwati nesimongcondvo.  <b>30 EMAMAKI</b>	<b>Lizinga lelisetulu ngalokubabatekako</b>	<b>28–30</b> -Imphendvulo lengemalengiso lababateka ngetulu kwalokulindzelekile. -Imibono ivutsiwe, inekuhlakanipha lokukhombisa kucabanga lokujulile. -Kuhleleka kungemalengiso lababatekako kubumbene nesingeniso, umtimba kanye nesiphetho.	<b>22–24</b> -Imphendvulo lesecophelweni lelisetulu ngalokubabatekako. -Imibono ivutsiwe, iyaheha ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho.	<b>16–18</b> -Imphendvulo leyenetisako. -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesiphetho ngalokwenetisako.	<b>10–12</b> -Imphendvulo lengakabumbani. -Imibono ayikacaci kantsi futsi akusiyo yekuticambela. -Buncane bufakazi bekuhleleka nekubumbana.	<b>4–6</b> -Yonkhe imphendvulo iyanhlanhlatsa. -Imibono ihlangahlangene futsi iyadidana ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
		<b>25–27</b> -Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso kubumbene nesingeniso, umtimba nesiphetho.	<b>19–21</b> -Imphendvulo lesecophelweni lelisetulu. -Imibono iyaheha ihambisana nesihloko. -Kuhleleka lokusecophelweni lelisetulu lokubumbene nesingeniso, umtimba nesiphetho.	<b>13–15</b> -Imphendvulo leyenetisako kodvwa kukhona lokungevakali kahle. -Imibono ibumbene iyakholweka. -Kukhona kuhleleka lokutsite kanye nekubumbana nesingeniso, umtimba nesiphetho.	<b>7–9</b> -Imphendvulo legcwele kunhlanhlatsa. -Imibono ayihlangani, iyadidana. -Abukho bufakazi bekuhleleka nekubumbana.	<b>0–3</b> -Awukho namncane umzamo wekuphendvula ngesihloko. -Yonkhe imphendvulo iyanhlanhlatsa, ayemukeleki. -Akuvakali, kuhlanguhlangene.



**IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)**

<b>Timphawu</b>		<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LULWIMI, SITAYELA NEKUHLUNGWA KWEMAPHUTSA</b>  Kuhambelana kwemoya irejista, sitayela, silulumagama nenhloso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelangi (lupelomagama)  <b>15 EMAMAKI</b>	<b>Lizinga lelisetulu ngalokubabatekako</b>	<b>14–15</b> -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngemalengiso lababatekako. -Lulwimi lolunekutetsemba lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelangi kute. -Kunekuticambela lokungemalengiso lasetulu kakhulu.	<b>11–12</b> -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngelicophelo lelisetulu. -Lulwimi lusecophelweni lelisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelangi akasimanyenti. -Kuticambela lokusecophelweni lelisetulu.	<b>8–9</b> -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentiswe kunotsisa lokucuketfwe.	<b>5–6</b> -Umoya, irejista, sitayela nesilulumagama akuhambelani nenhloso tetsamelilwati nesimongcondvo. -Kusetjentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	<b>0–3</b> -Lulwimi aluvakali. -Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo. -Silulumagama sincane ngendlela yekutsi lokubhaliwe akulandzeleki.
	<b>Lizinga lelisetulu ngalokungababateki</b>	<b>13</b> -Lulwimi lusetjentiswe ngemalengiso nangalokuveta umoya lokhutsatako ngemphumelelo. -Esikhatsini lesinyenti emaphutsa eluhlelo nesipelangi awakho. -Kuticambela kungemalengiso.	<b>10</b> -Lulwimi lusetjentiswe ngemphumelelo lesecopheweni lelisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelangi ambalwa. -Icambeke kahle.	<b>7</b> -Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	<b>4</b> -Lulwimi lusetjentiswe ngalokungenetisi. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.	

**IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>SAKHIWO</b>	<b>5</b>	<b>4</b>	<b>3</b>	<b>2</b>	<b>0–1</b>
Timpawu tetheksthi Kutfutukiswa kwetindzima nekwakhiwa kwemisho <b>5 EMAMAKI</b>	-Sihloko sitfutukiswe ngemalengiso. -Imininingwane yetfulwe ngemalengiso. -Imisho netindzima kwakheke ngemalengiso lababatekako.	-Imininingwane itfutukiswe ngalokuhlekile. -Kunekubumbana. -Imisho netindzima kuhlekile futsi kutinhlobonhlobo.	-Imininingwane ihambisana nesihloko. -Imisho netindzima kwakheke kahle. -Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekile asilele. -Imisho netindzima kunemaphutsa. -Indzaba ayinamcondvo.

**SIGABA B: EMATHEKSTHI EMIBHALOMBIKO LEMIDZE (25)****IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA [25 EMAMAKI]**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE, KUHLELA NESAKHIWO</b>  Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timpawu/timiso, nesimongcondvo.  <b>15 EMAMAKI</b>	<b>13–15</b> -Imphendvulo lengemalengiso lababatekako. -Imibono ivutsiwe, inekuhlakanipha lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebumbene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	<b>10–12</b> -Imphendvulo lesecophelweni lelisetulu lekhombisa lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco awutsemeleti. -Lokucuketfwe kunemibono lebumbene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	<b>7–9</b> -Imphendvulo leyenetisako lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodvwa sinemaphutsa latsite.	<b>4–6</b> -Imphendvulo lecatfutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekela sihloko. -Imitsetfo netimiso letibalulekile tesakhiwo setheksthi atikalanzelwa ngalokufanele. -Kunyenti lokubalulekile lokusilele.	<b>0–3</b> -Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. -Inshokutsi iyanhlanhlatsa, igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekela sihloko. -Imitsetfo netimiso tesakhiwo setheksthi letibalulekile atikalanzelwa nakancane.
<b>LULWIMI, SITAYELA NEKUHLENGWA KWEMAPHUTSA</b>  Umoya, irejista, sitayela, inhloso, tetsamelilwati nesimongcondvo. Timiso nekusetjentiswa kwelulwimi Kukhetseka kwemagama Timpawu tekufundza nekubhala nesipelingi.  <b>10 EMAMAKI</b>	<b>9–10</b> -Umoya, irejista, sitayela nesilulumagama kuhambelana ngemalengiso nenhloso tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.	<b>7–8</b> -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	<b>5–6</b> -Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako. -Kunemaphutsa latsite eluhlelo. -Silulumagama lesenetisako. -Emaphutsa akayiphazamisi inshokutsi.	<b>3–4</b> -Umoya, irejista, sitayela nesilulumagama akuhambelani kahle nenhloso tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	<b>0–2</b> -Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhloso. -Inshokutsi ihlangahlangene kakhulu.
<b>KWEHLUKA KWEMAMAKI</b>	<b>22–25</b>	<b>17–20</b>	<b>12–15</b>	<b>7–10</b>	<b>0–5</b>